

Rogaland



VAMP I 1998: Jan Ingvar Toft (t.v.) saman med Øyvind Staveland, Carl Tore Apeland og Torbjørn Økland for 20 år sidan. I haust skal dei på turne, saman med fleire andre artistar som har vore involverte i Vamp dei seinare åra.

Foto: HELGE HANSEN / Scanpix

Vamp tilbake i gamal drakt

Vamp har klart å lokka med seg sin første vokalist på turne. Dermed kan ein i haust oppleve songar som «Tir n'a Noir» og «13 Humler» med originalrøysta.



Rosa Iren Villalobos

Journalist



Mathias Oppedal

Publisert i dag, for 9 timer siden

– Det er som å vera tilbake frå start av, og det er nesten ikkje nødvendig å øva, seier Øyvind Staveland, som er svært glad for å ha med seg den gamle vokalisten på turne i



haust.

Det var i 1998 Vamp-vokalist Jan Ingvar Toft hadde fått nok, og sa opp på direkten i ei lokal radiosending, utan at nokon i bandet hadde fått beskjed i førevegen.



Jan Toft i dag.

Foto: Warner Music

Han hadde då vore med på fem album med visegruppa sidan 1993, og har seinare fortalt at han mista lysten på å laga musikk.

- Les og høyr musikken: - [Mistet lysten på å lage musikk](#)
- Sjå TV-dokumentar: [Vamp og jakten på Nordsjøtonen](#)

20 år sidan første plate

Haugesundsbandet heldt fram med ny vokalist, og har jamleg gitt ut plater fram til «Liten fuggel», som kom ut i fjor, der det mellom anna er Odin Staveland som syng.

Frå Toft var det i desse åra rolegare på musikk sida, fram til for to år sidan, då han kom ut med soloalbumet «[Alle e aleina](#)».

- Les òg: [St. Mandag](#)

Og nå har altså Vamp klart å få han med seg på haustturne:

– Me skal markera 20-års jubileet til gruppa med ei samleplate som heiter «To med alt». Tidlegare har me gitt ut ei som heiter «Ei med alt», der Toft er hovudvokalist, fortel Staveland.

Skal ta seg ein pause

Det blir mellom 40 og 50 konsertar der stemma bak songar som «Tir n'a Noir», «13 Humler», «Hallo, Adjø» og «Sitte Å Tenke».

Mange håper nok at det kan bli meir enn dette konsertsamarbeidet, men Staveland vil ikkje lova noko.

– Me har i alle fall ikkje planlagt meir enn å jobba ut året, og så skal me ta oss ein solid pause, slår han fast.

Første konsert i den nye turneen skal spelast i Haugesund på Maritim Hall i oktober. NRK har ikkje lukkast med å koma i kontakt med Jan Ingvar Toft sjølv om turneen.

Sjå Toft synga «Tir n'a Noir»:

FAKTA

Fakta om Vamp:

- Startet i januar 1991 av Øyvind Staveland, Torbjørn Økland og bandets første vokalist Jan Ingvar Toft. Calle Apeland og Erling Sande (sluttet i 1995) kom også til. Stavelands nabo, dikteren Kolbein Falkeid, lot dem sette musikk til sine dikt.
- Sommeren 1991 ga de ut en selvfinansiert vinylsingel med «Hallo – Adjø» og «Sao Raphael».
- Fikk platekontrakt våren 1992, og debutalbumet «God morgen, søster» kom i februar 1993.
- Siden er det blitt ytterligere tolv albumutgivelser inklusiver.
- Toft var vokalist frem til høsten 1998. Deretter kom Vidar Johnsen inn, fra 2002 som fast vokalist frem til det mye omtalte bruddet i 2007. Paul Hansen fra bandet Cortina ble tredje vokalist ut i rekken. På siste plate «Liten fuggel» er også Odin Staveland vokalist på flere sanger.
- Vamp har vunnet 4 spellemannpriser (1993, 1995, 1997 og 2005), ble årets Spellemann i 2006.
- Har også mottatt Prøysenprisen og Gammlengprisen